


Tohi Tapu ma'ae fanau  
'oku fakahoko

Ko e Kamata'anga  
'o e Mamahi 'o e  
Tangatá



Tohi 'e: Edward Hughes  
Tā Fakatātā 'a: Byron Unger; Lazarus  
Alastair Paterson  
Fakalahi 'e: M. Maillot; Tammy S.  
Liliu 'e: [www.christian-translation.com](http://www.christian-translation.com)  
Produced by: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2020 Bible for Children, Inc.

Laiseni: 'Oku ke ma'u 'a e totonu ke hiki pe paaki 'a e talanoá ni,  
ka 'oku 'ikai ha'o ngofua ke ke fakatau atu ia.

1

Na'e fakatupu 'e he 'Otua 'a e  
ngaahi me'a fulipē! 'I he fakatupu 'e  
he 'Otuá 'a e 'uluaki tangatá, na'e nofo  
leva ia 'i he Ngoue ko 'Iteni mo hono  
hoa ko 'Iví. Na'á na nofo fiefia 'o  
tauhi ki he 'Otuá 'o a'u  
ki ha 'aho 'e taha...



2



"Na'e fekau atu 'e he 'Otuá ke mo kai mei ha 'akau kotoa pē?" ko e fehu'i 'a e ngatá kia 'Ivi. Ne tali atu 'a 'Ivi, "Oku ngofua ke ma kai e fua kotoa pē, tuku kehe pē 'a e taha. Kapau te mai kai he fua ko ia, te ma mate." Ne malimali atu e ngata, "He 'ikai te mo mate."

3



"Te mo hangē ko e 'Otuá." Na'e fie ma'u 'e 'Ivi 'a e fua 'o e 'akau ko ia. Na'e tui leva ia ki he ngata 'o ne kai 'a e fuá.

4



Hili e talangata'a 'a 'Ivί, na'á ne taki leva mo 'Atama ke ne kai e fuá. Ne totonu ke pehē 'e 'Atama, "Ikai!"

5




'I he talangata'a 'a 'Ivi mo 'Atamá, na'á na 'ilo'i leva hona telefuá. Na'á tui leva ha ngaahi lou'akau ke hoko ko ha 'epani ke 'ufi'ufi 'aki 'a kinaua pea ne toitoi he vaó.

6



'I he malu efiáfí, ne hā'ele mai e 'Otuá ki he ngoué. Kuó ne 'afio'i 'a e me'a kuo hokó. Na'e tukuaki'i 'e 'Atama 'a 'Ivί. Na'e tukuaki'i 'e 'Ivi 'a e ngatá. Na'e folofola 'a e 'Otuá, "Kuo mala'ia 'a e ngatá. 'E mamahi 'a e fefiné 'i he'ene fanafanau." 'Atama, koe'uhi kuo ke faiangahala, kuo fakamala'ia'i 'a e kelekele 'aki e 'a e 'akau talatala mo e talatala'āmoa. Te ke kai 'a e me'a kai 'i he kakava 'o ho mata."

7



Ne tuku leva 'e he 'Otuá 'a 'Ivi mo

'Atama mei he ngoue fakaofó. Koe'uhi ko 'ena faiangahalá, kuo fakamavahe'i kinaua mei he 'Otuá fakamo'uí! Na'e tuku mo ha heletā vela ke ne le'ohi e ngoue. Na'e ngaahi leva ha ngaahi kofu kili'i manu ma'a 'Ivi mo 'Atama.

8


Faifaiangē, kuo mā'u fāmili 'a 'Ivi mo 'Atama. Ko hona foha lahi, ko Keini, na'e hoko ia ko ha tauhi ngoue. Ko hona foha si'i, ko 'Epeli, na'e hoko ia ko ha tauhi sipi. 'I ha 'aho 'e taha, ne 'omi 'e Keini ha ngaahi fua'i 'akau ko e me'a'ofa ki he 'Otuá. Ne 'omi

'e 'Epeli 'a e lelei taha 'o hono fanga sipi ko e me'a'ofa ki he 'Otuá. Na'e 'afio lelei 'a e 'Otuá ki he me'a'ofa 'a 'Epeli.




9

Na'e 'ikai ke 'afio lelei 'a e 'Otuá ki he me'a'ofa 'a Keini. Na'e 'ita ai 'a Keini. Ka na'e folofola ange 'a e 'Otuá, "Kapau te ke fai lelei, 'e 'ikai tali koe?"



10

Ne 'ikai holo e 'ita 'a Keini. 'I ha vaha'a taimi mei ai, ne 'ohofi 'e Keini 'a 'Epeli, 'o ne tāmata'i ia.



11

Na'e folofola 'a e 'Otuá kia Keini. "Oku 'i fē ho tehina ko 'Epeli?" Ne loi 'a Keini 'o pehē, "Oku 'ikai te u 'ilo. Ko e tauhi nai au 'a hoku tokoua?" Na'e tautea'i 'e he 'Otuá 'a Keini 'o ne fakamala'ia'i 'a hono ngoué pea hoko ai 'a Keini ko e fehēhēaki.



12

Na'e kapusi atu 'a Keini mei he 'ao 'o e 'Otuá. Na'e mali ia mo e 'ofefine 'o 'Ivi mo 'Atama pea na ohi hake ha fāmili. Ne 'ikai hano fuoloa, kuo fakafonu 'a e kolo lahi na'e fokotu'u 'e Keini, 'aki 'ene fanaú mo fanga makapuna.




13

'I he taimi tatau, ne vave 'a e tupu e fāmili 'a 'Ivi mo 'Atamá. 'I he ngaahi 'aho ia ko ia, na'e fa'a mo'ui fuoloa ange 'a e kakai.



14

'I he fanau'i mai 'a 'hono foha ko Setí, na'e pehē 'e 'Ivi, "Kuo foaki mai 'e he 'Otuá 'a Setí, ko e fetongi 'o 'Epeli." Na'e hoko 'a Seti ko ha tangata 'a e 'Otuá pea na'á ne mo'ui ha ta'u he 912, pea na'e toko lahi 'ene fanau.



15

'I he mamani, na'e 'alu pē ke anga-fakalielia 'a e kakaí, mei he to'u tangata ki he to'u tangata. Faifai atu pē pea fakapapau e 'Otuá ke faka'auha 'a e fa'ahinga 'o e tangatá pea mo e ...



16

... fanga manu lalahi mo e fanga manu puná. Na'e fakatomala ai e 'Otuá 'i he'Ene fakatupu 'a e tangatá. Ka na'e 'iai e tangata 'e taha na'e lelei'ia ai e 'Otuá ...



17

Ko e tangata ko 'ení ko Noa. Ko Noá ko e hako 'o Seti pea na'e anga tonu mo haohaoa. Na'e 'a'eva 'a Noa mo e 'Otuá.



18

Na'á ne toe akonaki'i 'ene ngaahi foha 'e toko tolú ke nau talangofua ki he 'Otuá. Na'e fokotu'utu'u 'e he 'Otuá ha founa makehe ke Ne me'angau'aki 'a Noa!



19

Ko e Kamata'anga 'o e Mamahi 'o e Tangatá

Ko ha Talanoá mei he Folofola 'o e 'Otuá,  
ko e Tohi Tapú

'oku ma'u ia 'i he

Sēnesi 3-6

"Ko e hū mai 'a Ho'o Folofolá 'oku ne 'omi 'a e maamá." Saame 119:130

20

# Ko e Ngata'angá

2

60

21

Ko e talanoa ko 'eni 'oku fekau'aki ia mo ha 'Otua fakaofa na'á Ne ngaahi kitautolu pea 'okú ne 'Afio ke ke 'ilo'i Ia.

'Oku 'afio'i e he 'Otua kuo tau fai ha ngaahi me'a 'oku kovi, 'a ia 'oku Ne ui ko e faiangahala. Ko e fua 'o e faiangahalá ko e mate ka na'á Ne 'ofa pehe 'iate koe na'á Ne fekau mai hono 'Alo ko Sisú ke Ne pekia he kolosí mo fua ho ngaahi angahalá. Hili ko iá, ne toe tu'u 'a Sisú pea Ne foki ki 'api, ki Hevani. Kapau te ke tui kia Sisú 'o kole kiate Ia ke Ne fakamolemole'i ho ngaahi angahalá, te Ne fai ia! Te Ne nofo 'iate koe, pe te ke nofo mo Ia 'o ta'engata.

Kapau 'okú ke tui ko e mo'oni ení, lotu 'aki 'eni kihe 'Otua: 'E Sisú, 'oku ou tui ko e 'Otua koe, pea na'ake hoko ko ha tangata ke Ke pekia koe'uhi ko 'eku ngaahi angahalá pea 'okú Ke toe mo'ui.

Hū mai mu'a ki hoku mo'ui pea fakamolemole'i hoku ngaahi angahalá koe'uhi ke u ma'u ha mo'ui fo'ou pea 'iai ha 'aho ke u nofo ai mo Koe 'o ta'engata. Tokoni mai ke u muimui kiate Koe 'o mo'ui ma'au ko ho tama si'i. 'Emeni.

Lau e Tohi Tapu 'o talanoa mo e 'Otua he 'aho kotoa! Sione 3:16 22